



Republika e Kosovës – Republika Kosova
Paneli Zgjedhor për Ankesa dhe Parashtresa
Izborni Panel za Žalbe i Predstavke

Anr.401/2021

Paneli Zgjedhor për Ankesa dhe Parashtresa (PZAP), në panelin e përbërë nga gjyqtarët: Zyhdi Haziri kryesues, Rrustem Thaqi dhe Burim Ademi anëtarë, me pjesmarrjen e zyrtarit ligjor Kushtrim Zuka, duke vendosur përkitazi me ankesat e subjektit politik Lëvizja Vetvendosje-VV, me seli në Prishtinë, paraqitur kundër subjektit politik Partia Demokratike e Kosovës-PDK, me seli në Prishtinë, për shkak të thyerjes së heshtjes zgjedhore, për Zgjedhjet e Parakohshme për Kuvendin e Republikës së Kosovës të datës 14.02.2021, në seancën e panelit të mbajtur me datë.15.02.2021, mori këtë:

V E N D I M

Pranohen të bazuara ankesat e evidentuara si: Anr.401/21, Anr.402/21, Anr.403/21, Anr.404/21, Anr.405/21, Anr.406/21, Anr.407/21, Anr.408/21, Anr.409/21, Anr.410/21, Anr.411/21, Anr.412/21, Anr.413/21, Anr.414/21, Anr.415/21, Anr. 416/21, Anr.417/21, Anr.418/21, Anr.443/21, Anr.454/2021 dhe Anr.455/2021 të gjitha të datës 14.20.2021, të paraqitura nga subjekti politik Lëvizja Vetvendosje-VV, me seli në Prishtinë, për shkak të vazhdimit të sponsorimit të fushatës zgjedhore në rrjetin social “Facebook” dhe “Instagram”, në heshtjen zgjedhore i shqiptohet gjobë, në lartësi prej 10.500.00 (dhjetë mijë e pesëqind euro), dhe Detyrohet ta paguaj në afat prej 15 (pesëmbëdhjetë) ditëve, nga dita e pranimit të këtij vendimi nën kërcënimin e dënimit shtesë.

A r s y e t i m

Me datë 14.02.2021, PZAP-i ka pranuar ankesat Anr.401/21, Anr.402/21, Anr.403/21, Anr.404/21, Anr.405/21, Anr.406/21, Anr.407/21, Anr.408/21, Anr.409/21, Anr.410/21, Anr.411/21, Anr.412/21, Anr.413/21, Anr.414/21, Anr.415/21, Anr. 416/21, Anr.417/21, Anr.418/21, Anr.443/21, Anr.454/2021 dhe Anr.455/2021, nga subjekti politik Lëvizja Vetëvendosje, me seli në Prishtinë, të paraqitura kundër subjektit politik Partia Demokratike e Kosovës-PDK, me seli në Prishtinë, në të cilat pretendon se përmes rrjeteve sociale Facebook dhe Instagram, në llogaritë personale të kandidatëve për deputet nga radhët e këtij subjekti politik si dhe antarëve të partisë, respektivisht në llogarinë e: Gezim Krasniqi, Lulzim Abazi, Rrustem Musa, Imri Ilazi, Hevzi Xhelili, Arben Gecaj, Xhevahire Izmaku,

Valon Grabovci, Mexhide Mjaku – Topalli, Grese Baraliu, Kosovare Murseli, Ruzhdi Kurtishaj, Nezir Qoqaj, Naim Musliu, Menduh Abazi, Jona Arifi, Ilmi Azemi, Sahit Halitjaha, Trim Sylja dhe Vilson Dragusha, në kohëzgjatjen e heshtjes zgjedhore, kanë bërë fushatë në rrjetet social Facebook dhe Instagram. Me këtë rast paraqitësi i ankesës thekson se është bërë shkelje e Ligjit për Zgjedhjet e Përgjithshme. Parashtruesi i ankesave si provë ka bashkangjitur fotografi të printuara në cilësi të provave materiale si dhe videoincizime-CD.

Në përgjigjet në ankesë të ofruar nga subjekti politik Partia Demokratike e Kosovës deklarojnë se videot e sjellura nga ankuesi janë të manipuluar, dhe të njëjtat nuk janë shpërndarë me kohen që pretendon ankuesi.

PZAP-i, pas shqyrtimit paraprak të bazueshmerisë së ankesave dhe vlerësimit të pretendimeve ankimore, provave materiale – fotografive - CD të bashkangjitur, që gjenden në shkresat e lëndës, në kuptim të nenit 117 paragrafi 2 dhe 3 të LZP-së, gjeti se:

Ankesat janë të bazuara

Paneli, paraprakisht ka vlerësuar se ankesat: Anr.401/21, Anr.402/21, Anr.403/21, Anr.404/21, Anr.405/21, Anr.406/21, Anr.407/21, Anr.408/21, Anr.409/21, Anr.410/21, Anr.411/21, Anr.412/21, Anr.413/21, Anr.414/21, Anr.415/21, Anr. 416/21, Anr.417/21, Anr.418/21, Anr.443/21, Anr.454/2021 dhe Anr.455/2021, të cilat për nga përmbajtja janë të njëjta, për nga natyra e shkeljes së pretenduar janë të njëjta, paraqitës i të gjitha ankesave është subjekti politik Lëvizja Vetëvendosje, dhe poashtu të njëjtat janë paraqitur kundër subjektit të njëjtë politik, Partia Demokratike e Kosovës (PDK), prandaj Paneli bazuar në nenin 8 paragrafi 3 të Rregullave dhe Procedurave Nr.02/2015, të PZAP-it, në të cilën përcaktohet se: *“Me qëllim të lehtësimit të shqyrtimit të ankesave kryesuesi i panelit vendimmarrës mund të vendos ta bëjë bashkimin e ankesave që përmbajnë në vete çështje të ngjashme dhe se ato ankesa të trajtohen me një vendim”*, andaj Paneli bëri bashkimin e ankesave dhe për të njëjtat vendosi me një vendim, si në dispozitiv të këtij vendimi.

Nga shkresat e lëndës shihet se subjekti politik Partia Demokratike e Kosovës dhe kandidatët për deputetet në Kuvendin e Republikës së Kosovës nga radhët e këtij subjekti, gjatë heshtjes zgjedhore dhe ditës së votimit në rrjetin e saj social Facebook - Instagram kanë bërë fushatë zgjedhore dhe kanë udhëzuar që të votohet subjekti politik PDK dhe kandidatët e saj, të apostrofuuar në ankesa ku me këtë veprim ka bërë thyerjen e heshtjes zgjedhore.

Paneli, konform dispozitës së nenit 8 par. 5 të Rregullave dhe Procedurave të PZAP-it, Nr. 02/2015, i verifikoj pretendimet e paraqitësit të ankesës, dhe gjeti se të njëjtat janë të bazuara, për faktin se në llogaritë e Facebook-ut - Instagram, ashtu siç pretendon paraqitësi i ankesës, në ditën e heshtjes zgjedhore dhe në ditën e votimit janë hasur reklama politike aktive, në gjithsej 21 shkelje, të cilat promovojnë subjektin politik Partia Demokratike e

Kosovës (PDK), dhe kandidatët për deputet nga radhët e këtij subjekti politik, ku me këtë veprim kanë bërë thyerjen e heshtjes zgjedhore.

Në raport me pretendimet e subjektit politik Partia Demokratike e Kosovës (PDK se ankesat e subjektit politik Partia Demokratike e Kosovës (PDK, janë të pas afatshme, këtë pretendim paneli e refuzon si të pa bazuar. Në rastin konkret ankesat nga subjekti politik Vetvendosje janë bërë brenda ditës së heshtjes zgjedhore, përkatësisht me 14.02.2021, ditën e zgjedhjeve dhe nga verifikimi që ka bërë paneli ka rezultuar që të njëjtat postime të paraqitura në ankesë kanë qenë ende aktive në rrjete sociale Facebook-ut – Instagram dhe nga kjo rezulton se pretendimi për afatshmëri është i pa bazuar.

Në raport me pretendimet e subjektit politik Partia Demokratike e Kosovës (PDK, se postimet janë bërë më herët dhe jo me datë 13 apo 14 shkurt, dhe se të njëjtat kanë të drejtë të shfaqen nëse janë të postuara më herët, këtë pretendim paneli e refuzon si të pa bazuar. Në rastin konkret kemi të bëjmë me kandidatët për deputet që kanë postime aktive gjatë datës 13 dhe 14 shkurt dhe të njëjtat kanë qenë të sponsorizuara, datë e cila është heshtje zgjedhore. Me dispozita ligjore subjekteve politike apo kandidatëve të tyre iu ndalohej të bëjnë fushat, në një mënyrë apo tjetër, andaj në këtë rast sponsorizimi i postimeve për shfaqje publike në rrjete sociale edhe për datat 13 dhe 14, është shkelje e heshtjes zgjedhore, prandaj ankesat e subjektit politik Vetvendosje janë pranuar si të bazuara.

Paneli, vendimin e tij e mbështet në dëshmi të qarta dhe bindëse, konform nenit 117 par.3 të LZP-së, andaj nuk i mori parasysh pretendimet e paraqitësit të përgjigjes në ankesë, pasi që nga ana e tyre nuk u ofrua ndonjë dëshmi e cila argumenton pretendimet e tyre.

Andaj PZAP-i duke marr parasysh këtë si dhe në mbështetje të dispozitave ligjore të LZP-së konstaton se Partia Demokratike e Kosovës (PDK), është përgjegjës për veprimet e tija, pasi që me veprimet e lartëcekura ka shkelur nenin 36 paragrafi 1 pika b) të LZP-së, që përcakton veprimet e ndaluara para procesit të votimit ku thuhet se 24 orë para hapjes së Qendrave të Votimit për hedhjen e votës, deri në mbylljen e tyre, subjekteve politike, mbështetësve ose kandidatëve të tyre u ndalohej bërja e fushatës në çfarëdo mënyre.

Paneli, me rastin e shqiptimit të gjobës si në dispozitiv të këtij vendimi, u mbështet në dispozitat e lart cituara, e në veçanti duke marr parasysh rrethanat e rastit siç janë:

- Natyra e shkeljes dhe ndikimit të mundshëm të saj, në procesin zgjedhor;
- Shkallën dhe peshën e shkeljes;
- Faktin se kemi të bëjmë me numrin e shkeljeve të përsëritura gjegjesisht 21 shkeljeve.
- Faktin se subjekti politik të cilit i është shqiptuar gjoja Partia Demokratike e Kosovës (PDK), ka marrë pjesë në zgjedhjet e mëparshme,
- Shumën e fondeve të marra nga subjekti politik prej Buxhetit të Republikës së Kosovës, për zhvillimin e aktiviteteve të lidhura më fushatën zgjedhore.

Paneli, vlerëson se gjoja e shqiptuar si masë, përveç aspektit të dënimit në raport me subjektin që nuk e ka respektuar Kodin e Mirësjelljes, shërben edhe si masë preventive që në

të ardhmen subjektet politike të përmbahen nga veprimet që bien ndesh me rregullativën ligjore, që te mos cenohet heshtja zgjedhore duke siguruar klimë të qetë dhe të përshatshme për votim të lirë si bazament i një procesi demokratik zgjedhor.

Nëse subjekti të cilit i është shqiptuar dënimi nuk e paguan të njëjtin brenda afatit të përcaktuar në dispozitiv të tij, atëherë në pajtim me nenin 120.2 të LZP-së, subjektit do ti shqiptohet dënim shtesë. Ky paralajmërim për dënim shtesë është përcaktuar me nenin 120.2 të LZP, i cili përcakton: “ 120.2 Dështimi për të paguar dënimin apo për t’ju bindur një urdhërese të PZAP-it brenda periudhës kohore të saktësuar në vendimin e PZAP-it, është një shkelje tjetër e këtij ligji që mund të sanksionohet me dënim shtesë nga PZAP-i. ”, ashtu siç është vendosur në pikën II të dispozitivit të këtij vendimi.

Paneli, mbi bazën e të dhënave të lartcekuar në mbështetje të nenit 120.1 pika c) dhe nenit 118.1 të LZP-së, vendosi si në dispozitiv të këtij vendimi.

Paneli Zgjedhor për Ankesa dhe Parashtresa
Anr.401/2021 më datë 15.02.2021

Kryesues i Panelit
Zyhdia Haziri

Këshillë Juridike: Kundër këtij vendimi është e lejuar ankesa në Gjykatën Supreme të Kosovës, brenda njëzetekatër (24) orëve nga momenti i marrjes-pranimi të këtij vendimi.

